



DATUM OBJAVE: 01.02.2024. godine

Na osnovu člana 59. stav (1) Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), člana 19. stav (1) tačka b) u vezi sa stavovima (4), (5) i (6), člana 20., a u vezi sa članom 23. stav (2) Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo", broj: 18/21), Komisija za izbor objavljuje:

O B A V J E Š T E N J E

Obavještavaju se kandidati koji su u proceduri Javnog konkursa za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu „MLADI INSPEKTOR”- 30 izvršilaca, objavljenom dana 25.08.2023. godine stekli pravo učešća na Testu fizičke sposobnosti, da su eliminacioni prag na navedenom testu zadovoljili kandidati pobrojani u **TABELI BROJ 1 (Spisak kandidata prema dodijeljenim šiframa koji su zadovoljili eliminacioni prag na Testu fizičke sposobnosti)**.

Kandidati pobrojani u **TABELI BROJ 2 (Spisak kandidata prema dodijeljenim šiframa koji nisu zadovoljili eliminacioni prag na Testu fizičke sposobnosti)**, nisu zadovoljili eliminacioni prag u nekoj od četiri discipline Testa fizičke sposobnosti (beep test, sklekovi, trbušnjaci, skok u dalj iz mjesta), odnosno nisu ostvarili zadovoljavajući minimum (rezultat od minimalno 2 boda), te se u skladu sa članom 57. stav (4) Zakona o policijskim službenicima Kantona Sarajevo, isključuju iz daljeg postupka izbora.

Kandidati pobrojani u **TABELI BROJ 3 (Spisak kandidata prema dodijeljenim šiframa koji su isključeni iz daljeg postupka i kandidata za koje se smatra da su odustali od prijave)**, su isključeni sa testiranja zbog nepridržavanja uputa o redu i pravila ili nisu pristupili zakazanom Testu fizičke sposobnosti, te se smatra da su isti odustali od prijave na Javni konkurs za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu „MLADI INSPEKTOR”- 30 izvršilaca.

U skladu sa odredbom člana 21. Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo", broj: 18/21), za

kandidate koji su ostvarili eliminacioni prag na navedenim testovima (kandidati pobrojani u **TABELI BROJ 1**), bit će izvršeno bodovanje kriterija propisanim Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo”, br. 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo”, br. 38/20 i 28/21).

Nakon izvršenog bodovanja kriterija propisanih navedenom Uredbom i Instrukcijom, kandidati koji su zadovoljili eliminacioni prag na testu opšteg znanja i testu fizičke sposobnosti bit će rangirani prema ostvarenim rezultatima, te će na ljekarski pregled u JU Zavod za zdravstvenu zaštitu uposlenika Ministarstva unutrašnjih poslova Kantona Sarajevo biti upućeno 30 (trideset) kandidata koji su ostvarili najveći broj bodova, o čemu će kandidati biti blagovremeno obaviješteni na zvaničnoj web stranici i oglasnoj ploči Ministarstva.

Žalba na ovu obavijest nije propisana Zakonom o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20) i Pravilnikom o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo", broj: 18/21).

KOMISIJA ZA IZBOR